

NU (L) DIMGOU TOH.... *Sutzopna*

ua! K'ong zin dek nitak a le tute toh tangthu kihilh zen a zin kihi.

Dotna: Tapa lohching tak, mi tampi ettontham heutu ana sekkhia na hihna ah, na thuguk bang a?

Dawna: Hichi khawnga i om thilnuam mahmah ahi. Hiai ka tanu bang (a gei a a tanu kaw in) a hoihlouhna gen le uchin, tampi na mu di uh, mihing bukimlou I hi. A hoihlouhna na gen uh leh misia himai. Himahleh, a hoihna tampi a om a, a hoihna na gen uh leh mihoih himai. I hoihnate I kigentuah leh mihing kihoih vek mai ahi, hoihlou kichi le'ng kuamah a ut ding i omkei. I hoihnate I kimuh a kipahtawi siamna in mihing bawlhohi ahi.

Dotna: Tulai i gam simthu ah lunggel ngaihdan na nei hia?

Dawna: 'Bangmahlou te bangmahlou ahi, bangteng bangmahlou ahi' chih gelh bang in, khovel leh a sungate ngaihthupina sang in i hotdamna naa' semkhia chiat hile'ng, Sawltak Paul vak in a khoh a kikheng lamdang bang in, i gam simthu Pathian khut ah om ahi. Khristian i kichih leh lau leh ling kawma i hotdamna sepsuah ding ahi. Hiai i mohpuakna mun khat a tutpih ngitngit ding hilou ahi.

Dotna: Damtheihna leh sihnung thu ah na ngaihdan banga?

Dawna: Damtheihna ding a i damlai a hoitak a kikep ding, damlouh hetlouh ding ahi. Hanmual a mihausa hih sanga damlai mah a thil hoih sem, nitak teng a tuni a i thil hih hoih leh i hihkhelhte Pathian kiang a thupha tawi ding ahi. Damlai a ki-i ding, sih Chiang a kivui ding.

BIAKINN NAIHNA LAMPI

Biakinn naihna lampi a gari khawlsak ahih cia'n biakinn kai di 'kuanna leh kiklam ah' nawngkaina tun hi. Hiai thu TBSUC tutkhawm nisim 01.06.2019 in genkhawm uh a, Pastor/Saptuam' gari lou buang hiai lampi a kuamah in mimal gari koih (park) nawn louh di deihtu genkha uhi. Ciamteh in zui ciat ni.

NIPINI NAWN BIAKNA HUNZEK

June 09, 2019

PENTECOST NI**11:00 AM : ZINGLAM BIAKNA KIKHOP**

Biakna & Phatna : WT Makaih in
Thilpiak latna : Upa Thangkhosiam Tonsing
Thugenna : Pastor
Phatkawmna : WT Makaih in
Hunkhakna : Upa Tuanmuangthang

02:00 PM SUNNUNG BIAKNA KIKHOP

Biakna & Phatna : WT Makaih in
Thilpiak latna : Upa Khamkhanpau
Thugenna : Pastor
Phatkawmna : WT Makaih in
Hunkhakna : Upa H. Zabiak

BYF CORNER**NGETNA**

EBCC Bangalore in biakinn lamna diing Project a neih uh toh kisai in - Fund raise nang in T. Shirt hoitak bawl uhi.

Ei Delhi' saptuamte zuak ding in piece hunkhoptak hon khak uhi.

TBSUC in mohpuakna hon piak dungzui in, tuni 02.06.2019 biakna kikhop tawp Chiang(zinglam & nitaklam) in biakinn kong ah tuailaite makaih in lei theih ding hi.

Bangalore saptuam' project poimoh tak hong pai hoih I deihsak a, I kithuahpihna hiding in, saptuam mi kuapeuh in leisak siausiau ni.

Size omdan : XS, S, M, L, XL & XXL
Colour (1) : Red
Price : Rs. 399/- only

✓ A pung (commission) omlou a, Toupa' min a pankhawmna hi di'a ngaihsut, muh bangbang biakinn lamna di'a khak kisawm ahi. TAK-HEH!!

Biakna Kikhop - NIPINI TENG
ZINGLAM DAK 11:00 AM
SUNNUNG DAK 2:00 PM

Laisiangthou Bulphuh

Huaiziakin Khrist Jesu, Toupa na kipaiph bang un, Amah ah om un. Amah a zungkai leh lamtouha om in, a hon zilsak bang un na ginna ua kiptak a om in, kipahtugenna hau in Amah ah om un. [Kolosate 2:6-7]

PRAYER POINTS

- Tuni Nipini hun hoih hon musak a, I ngaklah Naupangte Ni, mun tuamtuum a hon zangsak TOUPA min i phat hi.
- Damlou a omlelte leh a kemtute I phawk hi. Pathian in damna leh thathak a piakna ding in TOUPA khut ah kemsak ni.
- Nam-le-gam sung a kitheihsiamlouhna zekzek omte daibang theng a, ki-itna leh lemna in vai hong hawmnaawna ding in TOUPA sam ni.
- Kim-le-kianga lungphawngthei thiltung zelzelte kawmkal a biakna thoveng i neihtheih ziak a kipahtu gen in I maban hunte TOUPA' khut ah kemsak ni.
- Phualpi Solkar kiteelna ah BJP leh a kikawipih (NDA) hatpen nawn uh. Mr. N. Modi in India PM, anihveina di'n kichiamna 30.05.19 in neita hi. PM leh a khawbawl upate'n Vanglianpen Pa' zakdah di lam sukhahou leh kizentak a vai hon hawmtheihna ding un thumpih chiat ni.
- Nipini nawn biakna hunseh kigelte manphatak a i zat theihna ding un Toupa khut hat ah lankhe ni.

June 2019 USHER

Mipi Biakhawmna hunte a Usher-te :
11:00 AM :
Mohammedpur Prayer Cell leh
Safdarjung Enclave Prayer Cell
02:00 PM :
BYF R.K. Puram Area Fellowship



Tukha Thupi

Naupang Leh Pa Hihna
A Pathian Pomtak Biak Piakna

For Private Circulation Only | June 02, 2019

TUNI BIAKNA HUNZEK**ZING DEVOTION**

Pitu – Pa Ginsuan Haulai

NAUPANGTE NI**11:00 AM : ZINGLAM BIAKNA KIKHOP**

Hunkem : Htn Chiinsonkim
Bible Sima Thumna: Manhauching Hanghal, Senior
Biakna & Phatna : BCD, Worship Team
Thilpiak Latna : Upa T. Thiankhanmuan
Special Item : Beginner A & B
Thugenna : Pastor Thuamminlian Guite Advisor, BCD
Special Item : Pri A & B, Papi Lapawl
Report : Assistant Secy., BCD
Special Item : BDF, BCD Sinsaktute
Naupangte Thumsakna leh Khathak
Thumsakna : Pastor H. Biakson
Vualzawlina : Upa L. Ngulminthang

TEA FELLOWSHIP**02:00 PM SUNNUNG BIAKNA KIKHOP**

Biakna & Phatna : WT Makaih in
Thilpiak latna : Upa G. Damsomthang
Thumsakna leh
Thugenna : Pastor
Phatkawmna : WT Makaih in
Hunkhakna : Upa T. Goukhangin

TEA FELLOWSHIP**B&PMSC APAN NGETNA**

Saptuam building project adi'a nitha/ngapzah i bituk uh tampite'n peta mahlehang bat dit di sahtak neilai i hihman un Toupa leh A' saptuam adi'a thathak la in I hihtheih leh ngap dandan uh pekawm nawn siausiau ni. Toupa'n seem thei zel leh pe thei zel di'n EITE hoih in honvuk hi.



NAUPANGTE NI THUPUAK

Rev. Chinkhengoupau
Child Coordinator, EBC HQ.

Khrisat tatna sisan ziaka ka sanggam, saptuamte leh abiiktakin Baptist Children Department sunga naupangte leh sinsaktute, i Hondampa leh i Kumpi Toupa Jesu Khrisat min in Naupangte Ni Chibai!

Saptuam in i Toupa Pathian biakna dinga sehtuam ni azat zelte laka khat, Naupangte Ni, zangthei nawn dinga hunpha leh damna hon petu i biak Pa Pathian' min ka phat hi. Theihna bukim toh biakna ni tuamtuamte zang hikei mahle hang, hun leh ni poimawh banga i koihte manphataka i zattheih zel uh Toupa' zahngaihna leh vangletna i chetna uh hong hizel hi. Ahihle, bang in hichibang ni te manphasak ahia? I Toupa pahtawia a om chiangin, A min tawisang leh zahtaka a om chiangin, Ama' bawlsa mihingte'n hotdamna leh khalam khantouhna i ngah zel chiangin, hibang hun leh nite a manpha hongsuak zel hi.

Tukum 2019 Naupangte Ni in Thupuak thum ka hon luikhia hi-

Amasa in, Evangelical Baptist Convention Saptuam sungah naupang 18,000 leh sinsaktu 1,200 lakvel i om uhi. I Toupa Jesu in eite tengteng khelhna man Kalvary ah pekhinta a, Kha dan a hinna thak leng hon pekhinta hi. Tuabang ahiehleh, khat lel leng i manthat louh ding uh mimal chih mohpuak ahi. Ahi, hotdamna i kipesawnthei hetkei, himahleh Tanchinohi Pathian' thilhihtheihna ahimanin lungkelou leh zumpihlou a puangzak dingin Toupa' min in ka hon chial hi. Tua banah, EBC sungkia hilou in, i school leh college kaina munte ah, i veng sung ah, i kimawlina leh sepna munte ah zong, zahlak leh khentuama omding laulou in i puangzak lailai ding uhi.

Anihna ah, i Toupa Jesu Khrisat in, "Toupa, Toupa, honchi nazong vantung Kumpigam a lutkei ding uh; ka Pa van a om deihlam hih mite kia a lut ding uh" a chi hi. Tukum Naupangte Ni in hiai dotna ki-dongthak lehng i chi hi: I Pa van a om deihlam hih mi nahi hia? Gingtu piangthak kichih ziak lel a vangam luttheih ahikei a; Laisiangthou a Pa Pathian

in gingtute' hin dingdan a gen banga mimal hinkhua chiat uh halhthaksak poimawh hi. Vangam lut ding kia a piangthakte hizawlou in; vangam neitu, Pathian' deihlam leitung mahmah a semkhiate hidingin Toupa' min in ka hon chial hi.

Athumna ah, saptuam' thupi "Pathian Pomtak Biakna", Romete 12:1 pansan a kibawl, gingtu naupang leh sinsaktute tengteng ading mah ahi hi. Pathian' zahngaihna, a hotdamna tungtawna i muhtak bang un, naupang neuchik chikte hi in khangnou tungte hita lehng, i niteng hinkhua uh Pathian' adia' biakna gimnamtui banga a zam touh gige ding eite mohpuak ahi. Toupa'n Nipini (Sunday) kia in ahon sam kei a, niteng in ahon sam hi. Na innsung uah, na skul kaina uah, na kimawlina uah, na phone khoihdan uah, na thil hih tengteng uah Toupa'n biakna gimnamtui a apomtheih dinga hing dingin Toupa' min in ka hon ngen hi.

I omna mun chiat ah, I chitlouhna leh hatlouhna tengteng toh, Khrisat Jesu min suanga i Pa Pathian' Mangtutphah mai a kun a Ama' pomtak biakna pethi gige dingin Toupa'n hon vualzawl chiat hen!

KHAW HAUSA CAMP AH TOUPA KHA IN NASEM

May 21-25, 2019 sung GBC huangsung, New Lamka ah Khaw hausate ngimbiik camp, EBC HQ saina in om. Hiai hun ah PCI(R), CBA, NTBC leh EBC Saptuam apan khaw hausate 45 tel in, thutak ankuang luina Evangelist-at-large veve Upa Lianding leh Mr. Damkhotang te'n nei uh. Toupa Kha in nasem a, camp hunsung in mihing simna ah mi 31 te'n Jesu Khrisat hondampa di'a sanna nei, tuate lak ah Mualnuam khaw hausate Pu Khamkhansuan @Suanpi [s/o (L) G Kaikhomang] in May 30 ni'n Pastor Khankham khut ah baptisna tang cih thu kiza. TOUPA hoihi hi.

MEDIA TEAM (MT) TUNGTAWN A SAPTUAMTE TOUPA HONPIDAN

~ Upa Chinsum,
i/c Media Team (2019-20)

April 13, 2019 MT in-charge hihna la, a kinget dungzui a a paw-lui heutute'n April kha sung hon len paisuak uh. Tua sunga MT kekletna lam enzui. Tua hun a touna (challenge) matuahte leh TOUPA honpidan: -

1. MT, adiaika Content Writer (CW) mi kidaihlahna om, expansion paithei leh—*Piangta!*
2. MT, zinglam team leh nitaklam team omthei leh—*Omta!*
3. Interview tuak simsim interview khaklouhte maban ah banglawh di? — *Interview Crew (IC) piangta!*
4. MT Guidelines omlou, dos & don'ts omlou, bangtan huntawh hi a bangtan khengval (over) hihiam kitheilou — *i/c masate'n draft Guidelines hon nutsaluh uh etzuina leh fine-tuning paila.*

All for His glory!

MEDIA TEAM TOH KISAI KA MUHDAN

~Pa Sumthanlian Suantak
MT (Content Writer)

Media Team a telkhak ma leh Delhi ka tun ma in Media team ana omta a, Administrator leh midang tuamtuamte'n a hunhun a contribution ana neihte uh sunzom i hi ua, ainah ana phahtute mimaltak in theiban kei mahle'ng thupigen uh ka sa mahmah hi.

MT a ka lutnung (2014) a kipan heutu tuamtuamte' makaihna nuai ah MT in tatsat lou in Pathian' hatna toh nna ana kisetmou hi in ka thei hi. In-charge a kikhektouh dungzui in nasedpan leng tuam zekzek hi.

Tuabang ahihlai in tutung term paila ah Media Team in i sepna uh masawn in adiak in tu Ziingka (May) kholkhol bang tuh hoihtak in i website uh ki-update toutou ahiman in thildang sawkbeh lou in tuadan a hih touhtouh sawmla lehng leng hundangte sang in i sepgah uh thupi zotham hikhin in ka mu hi.

Adangte genlouh in leng - Interview Crew nasepna bang leng thilthak himahleh achievement thupi lotel hikhin in ngaihtuah ing. Videographer leh edit bawlte'n adangte' theihphak louh a athapiak uh maimai lou diing hi. A hihtheihna ban uah a computer uh bang leng ki-hanged mun mahmah diing hi, kei' atedan bang ahiehleh...

Electric bill bang leng nakpi in khangzou diing in ngaihtuah ing, adiak a online a sep ngai, Administrator a diing bang in. Ka minloh khaklouh MT a om tuamtuamte' pankhawmnate leh Pathian' kithuahpihna tellou hitazenleh hiaite a pianglou diing ngen ahi. Hichidan in hih lehng chia vai ana geeltu In-charge pa Sum' lungsim seen diingdan bang leng maimai lou diing hi.

Tuadan ahihlai in hatpai lua, awlpai lua chih leng omthei hi. I hatpai sawmluatleh kimuuktuk khaktheih a, i awlpai luatleh leng Pathian' deihdan sem khalou in leng zongzaw hihtheih maithei hi. Media Team toh kisai tu Ziingka (May) kei rating diing hileh 9/10 ahi.

[Thulaakna: MT WhatsApp Group]

NU (L) DIMGOU TOH KA HOULIM KHAKNA NANUNG

~Pa Hau D. Tunglut,
WT (Projectionist)

[Amah Nu Dimgou (67), MDC zahhuai Pu CT Lian' pianna nu' in nisim 28.04.2019 in thupina gam hon zotsan tase leh, nikum 2018 in Delhi a tu-le-tate veh ding a hongzin, a inn uh, Mahavir Enclave ah sun khat ka houlim khakna uh mobile notepad a gelkhakiak tamlou ana omlai manpha sa in k'on koihkhia hi].

Dotna: Delhi a zin ding nasatak a kisinga ahi honchi ua, bangchi dan ahia?

Dawna: Haha!! (nuikhe lualua) in, huaizaw Lian (CT Lian) in ka nu Delhi hoh dek a kisinga ahi honchih mah hi, awlmoh tu leh tate veh ding a kisinga hehe!

Dotna: Delhi ah kum bangzah vel om didan a hong kiging nahia?

Dawna: E nu... innlam bang ale honna ngailua di
Sutzopna pek 4 ah.....